

廿九日

早饭后清理文件。旋见客，坐见者一次，立见者四次。写沅弟信一件。见客，坐见者二次，立见者三次。已刻，闻家眷船已到河下。旋请客便饭，黄南坡、程颖芝、杜小舫、刘开生，皆善弈者。观黄南<坡>与程一局、刘与程一局。午正。家眷入署，内人率一子、四女、一婿、一儿妇、一孙女，又有送者邓寅皆、阳牧云，次第应酬俱毕。陪客便饭，未正毕。又观程与黄围棋一局。又见客二次，阅本日文件。旋与儿女辈一谈家事。傍夕与小岑一谈。夜与邓寅皆一谈《周易》，二更后又与内室询家常琐事。睡，不甚成寐。

十月

初一日（录《雅训小记》）

早起，辞谢各文武，不贺朔。饭后见客一次。出城拜黄南坡，送行，久谈。旋入城拜客五家，盖司道出城迎接。谢步也。午刻归。清理文件，录《雅训小记》。午正，沈蕙亭来，请吃便饭。饭后阅本日文件，倦甚。申刻核改批札稿。傍夕至幕府一谈。夜倦甚，温义山诗。二更后在床小睡，三点入内室。是日见纪泽儿体气清瘦，系念殊深。或称其读书太勤，用心太过，因教以游心虚静，须有荣观宴处超然之义。

初二日

早饭后清理文件。旋见客，坐见者二次，立见者七次。旋与牧云鬯谈。至新屋楼上一看。午刻录《诂训杂记》。中饭后见客一次，阅本日文件，至内室谈家常琐事。申刻录《雅训杂记》。核批札各稿。傍夕，范云吉、李眉生来鬯谈。夜温《诗经·小曼》等数篇。倦甚，二更后小睡，三更入内室。

初三日（教袁婿自立之道，训诫良久）

早饭后见客二次，衙门期也。清理文件。旋又见客二次，围棋一局。教袁婿自立之道，训诫良久。中饭后与牧云久谈，阅本

日文件。申刻倦甚，在于书房小睡，直至灯初始起。夜核批札各稿。二更三点入内室。

初四日

早饭后清理文件。旋见客三次，又坐见者一次，写澄侯信一件，围棋一局。午刻见客一次，至内室检点琐事，隶《雅训小记》。中饭后又录《小记》，将《车制》录毕，阅本日文件，核批札稿，傍夕至幕府一行，诸友均不在家。与欧阳牧云畅谈。夜核批札稿，二更后温《孟子》数章，四点睡。是日蒋寅昉寄到新刻《陈克家梁叔诗集》，一阅。

初五日

早饭后见客二次，衙门期也。旋写沅弟信一件，围棋一局，至内室一谈琐事，阅《考工记》《筑氏》、《冶氏》。中饭后见客三次，勒少仲、徐毅甫、莫子偲谈皆甚久。阅本日文件，核批札各稿，倦甚。范云吉来久谈。傍夕至幕府与诸友一谈，小岑同来夜饭。饭毕，核批札稿。二更后小睡，三点入内室。

初六日

早饭后见客一次，清理文件。围棋一局。旋又见客二次。已刻读《考工记》《桃氏》《鳧氏》，录《诂训杂记》。请勒少仲、范云吉等吃便中饭。饭后再录《诂训杂记》，阅本日文件，核批札各稿。傍夕至幕府一谈。夜核批札各稿信稿多件，二更后温《史记》《儒林传》、《游侠传》。

初七日（幕中新请陈方坦专管盐务）

早饭后清理文件。旋围棋一局，见客三次，陈虎臣谈颇久。已刻温《考工记》、《曼氏》、《函人》、《鲍人》、《挥人》、《画绩之事》、《钟氏》、《慌氏》，录《诂训小记》。中饭后又录《小记》，阅本日文件。申刻核批札各稿。幕中新请一友，专管盐务，名陈方坦，号△△，本日来署，因往一饔谈。又与蒋纯卿等一谈。夜核批札稿，二更后温《史记·儒林传》等篇。

初八日

早饭后清理文件。旋见客三次，刘开生等谈最久，围棋一局，江达川来久坐。午刻温《考工记》、《玉人》、《磬氏》、《矢

人》、《陶人》、《悖人》，录《雅训小记》。中饭后再录《小记》，阅本日文件，核批札各稿。傍夕至幕府一谈。夜温《易》《大有》、《谦》、《豫》、《随》、《蛊》五卦，盖因偶忆《谦》卦而肄业及之也。

初九日（是日恭逢先大夫冥诞）

是日恭逢先大夫冥诞，黎明率眷属行礼。早饭后见客五次，写李少荃信一件。已刻温《考工记·梓人》。许仙屏来粤谈，因留便饭。又约赵惠甫，刘开生、方元徵便饭。饭后阅本日文件，见客二次，录《雅训杂记》。傍夕与仙屏粤谈。灯后，改批札稿信稿。是日因应酬说话太多，倦甚。

初十日

是日恭逢慈禧皇太后万寿，黎明至万寿宫拜牌。早饭后见客二次。旋围棋一局，与许仙屏久谈，阅《考工记·庐人》。中饭后又与仙屏粤谈，阅本日文件，写对联十馀付、扁数方。傍夕至幕府一谈。夜，家人以余明日生日，行礼预祝。核批札稿<至>二更三点。昨夜，肩为风所射，本日体中小有不适，故废阁之事甚多。

附记

加冯、葛片 核皖、楚盐章

十一日（与仙屏谈气节、文章，二者缺一不可）

是日，余五十三生日，家人行礼称庆，外问之客，一概谢绝。围棋一局，改三摺、二片，自辰刻起至申刻改毕。阅本日文件。傍夕至幕府一谈。夜核批札各稿，添葛圣山信二叶，温《乾》卦未毕。二日内，与仙屏谈气节、文章，二者缺一不可，嘱其勉于此，以与乡人相切磋。

十二日

早饭后清理文件。旋出门拜客十馀家，谢昨日拜寿者也。又拜周缦云，请其来署教书。午初归。见客四次，围棋一局，请杨德亨等吃便饭。饭后阅本日文件，核批札各稿。傍夕至幕府一谈。夜核皖岸盐务新章，二更三点毕。是日发报三摺、二片。

十三日

早饭后见客，坐见者五次，立见者四次。清理文件，写沅弟

信一封。午刻，莫子偲来久谈。写对联数付。中饭后与小岑围棋一局，周缦云来久坐。再写对联五付，内有晏彤云之太夫人寿联云：“渡海使星，烛天宝婺；堂前昼锦，陔下斑衣。”又赠邓寅皆云：“清风欲近戴安道，师范略同胡翼之。”阅本日文件，核批札各稿。傍夕至幕府一谈。夜倦甚，不能作事，诵古文、词、赋数首。

十四日（写蔡荷亭所求横幀）

早饭后清理文件，见客三次，围棋一局。写晏宅寿幀暨对联等，写澄侯弟信一件。见客，立见者四次，坐见者一次，仙屏来久谈。中饭后写蔡荷亭所求横幀，长一丈，高二尺馀，面以描金画龙。背心描金画云，生平所未见之佳笺也，为写《丰乐亭记》，凡四百三十字。阅本日文件，核批札稿。傍夕至幕府一谈。夜核信稿各件，二更三点后阅《东京赋》，未毕。三更睡。

十五日（将《丰乐亭记》添写一跋）

早饭后清理文件。文武员弁贺朔〔望〕者多，见客十馀次，至辰正始毕。方元徵率其子来一谈，病鸡胸龟背，而学问渊雅，熟于《汉书·地理志》。围棋一局。午刻又见客一次，叶个唐坐颇久。中饭后，将昨写之《丰乐亭记》添写一跋，又写宣纸大横披一幀，约二百六十字。阅本日文件，核改批札各稿。傍夕至幕府一叙。夜核中路安徽票盐章程、楚岸章程。二更四点睡，四更始成寐。

十六日

早饭后清理文件。见客，坐见者三次，立见者二次。写左季高信一件，围棋一局，温《周礼·庐人》。孙琴西来，与许仙屏、朱紫卿共便饭。席间，潘云阁河帅来，谈论颇久。施陪客便饭毕。阅本日文件，写挽幀三幅、对联一付。傍夕至幕府一谈。夜与仙屏久谈，改信稿数件。二更三点后温《东京赋》毕。

十七日

早饭后清理文件。旋见客，立见者三次，坐见者二次。写沅弟信一件，围棋一局。沈霁亭来久谈，留吃中饭。饭后，席砚香来，何镜海来，坐颇久。阅本日文件，核批札稿，写扁字二十馀

字、对联数付。傍夕至幕府一谈。夜改信稿二件，温《古文·辞赋类》。是日接雪琴信，溧水之贼已投诚矣。

十八日（夜作东皋书院对联）

早饭后见客一次，衙门期也。旋围棋一局。周缦云来上学，次儿纪鸿、外甥王兴韵、女婿罗兆升三人从之肄业，已刻行礼。旋见客，坐见者二次，立见者四次。午刻写挂屏六幅。中饭请缦云、寅皆、子密便饭。席砚香来，亦留与共饮。饭后作昭忠祠对一付，阅本日文件，写对联、扁字十餘件。莫子偲来一谈，旋与同至小岑处一谈。傍夕至幕府一谈。夜作东皋书院对联一付云：“涟水湘山俱有灵，其秀气必钟英哲；圣贤豪杰都无种，在儒生自识指归。”核批札各稿，未毕。仙屏来久谈，二更三点去。将皖岸、楚岸盐章核定发刻。日内应酬纷繁，不特公牍之应办者多所未了，即私事如看书之课、检身之程亦全未措意，虽欲不为俗吏，不可得已。

十九日

早饭后清理文件。旋见客，立见者三次，坐见者二次，陈虎臣坐颇久，围棋一局，沈霭亭来久坐。至学堂周缦云一谈。午正核批札稿。中饭后见客二次，曾祺、涂觉纲坐颇久。阅本日文件甚多，写对联数付。傍夕至幕府一谈。夜核批札稿，仙屏来久谈，二更三点去。核信稿三件。三点后温《泰》、《否》二卦，三更睡。

二十日

早饭后清理文件。见客二次，衙门期也。围棋一局，写郭意城信一件。又见客二次，李壬叔等坐颇久。中饭后，将郭信写毕，阅本日文件，写对联下款等事颇多，写江味根极大挂屏一幅，有半未毕，至幕府鬯谈。夜核批札各稿，二更后温苏诗，朗诵十餘篇。

二十一日（江达川新授四川布政使）

早饭后清理文件。江达川来久坐，渠新授四川布政使，来此叩谢也。又见客，坐见者一次，立见者二次，围棋一局。闻新学使朱久香前辈已到，出城至盐河迎接。旋又至南门送邓寅皆归里，午初二刻回寓。写沈幼丹信三叶。中饭后，陈虎臣来久谈，

閱本日文件。申刻寫江味根掛屏甫畢。近日作書，惟此屏最為稱意。傍夕至幕府一談。夜核批札各稿。倦甚，不能作事。溫《易》《乾》、《坤》、《屯》、《蒙》四卦，略一涉獵而已。

二十二日

早飯後清理文件，見客二次，又坐見者三次，圍棋一局，寫沅弟信一封，席硯香來久坐。旋又見客三次。中飯後，出門拜朱久香前輩，又至江方伯處道喜。歸來，李眉生來一談，久香先生來久談。閱本日文件未畢，天已黑矣。至幕府一叙。夜閱本日文件，核批札各稿，二更四點畢。核新刻淮鹽運楚章程。

附記

○批供摺 朱諭文案房

二十三日（余請容光照至外洋購買制器之器）

早飯後見客二次，衙門期也。清理文件，圍棋一局。見客，立見者三次，坐見者三次，李壬叔、容純甫等坐頗久。容名光照，一名宏，廣東人，熟於外洋事，曾大花旗國寓居八年，余請之至外洋購買制器之器，將以二十六日成行也。中飯後，魏西園、王孝鳳先後來久坐，閱本日文件，至內室一談，朱久香來久坐，核批札稿未畢，至幕府一談。夜核批札稿。接奉廷寄一件。核楚岸章程畢。

附記

○保八人案 保案三單 參案

○請久香先生、涂心畬

二十四日（至河下拜江味根軍門）

早飯後清理文件。旋見客，立見者二次，坐見者一次，寫澄弟信一件。出門至河下拜江味根軍門，以渠病甚重也。又拜錢警石先生，與談良久。午初三刻歸。圍棋一局。中飯後見客，坐見者二次，立見者二次，閱本日文件。申正倦甚，至內室一談。酉刻剃頭一次。夜核批札稿，二更後核各供詞，三點後朗誦《孟子》，五點睡。

二十五日

早飯後清理文件。見客二次，衙門期也。圍棋一局。周世澄

来，赵惠甫来，各久坐。李芋仙来坐，吴清如同年来久坐。吴名嘉途，戊戌进士，小军机，曾任四川主考，好作诗、古文，颓然老矣。中饭后阅本日文件，添毛寄云、李少荃信各一叶，核批札稿信稿颇多。夜复久香先生信一件。将楚岸盐票及税单、水程各刻式细校一过。二更后温孟、荀、儒林、酷吏等传，韩文、郑群、柳子厚等志。三更睡。是日辰刻，将案上未厂之牍、丛残之纸稍一清厘，略觉眼明，然尚多积阅未清之件。

廿六日

早饭后清理文件。旋见客，坐见者三次，立见者二次，陈虎臣、孙琴西谈皆甚久。围棋一局。午刻，徐稼生前辈来鬯谈。午正二刻，请朱久香先生便饭，陪客为吴清如、李葆斋、涂心畲。中正始毕。阅本日文件，核批札各稿。酉正，李芋仙来一谈，至幕府一谈。夜改收复高淳、建平、溧水等城，水阳、东堤等隘一摺，又改二片。二更三点睡。日内思韩文志传中有两篇相配偶者，如曹成王、韩宏两篇为偶，柳子厚、郑群两篇为偶，张署、张彻两篇为偶，王适、毛颖两篇为偶，樊宗师、孟郊两篇为偶，推此而全集中可以为偶者甚多。古人之文，可为偶者甚多，惜不能一一称量而配合之耳。

廿七日（与纪泽儿论文章之道通乎声音）

早饭后见客四次，朱云岩坐最久。接奉廷寄三次。中饭后核改片稿一件，见客二次，又立见者二次。申刻阅本日文件。意绪郁郁，不愿作事。酉正，与纪泽儿论文章之道通乎声音，写对联一付。夜核改批札稿信稿，发报三摺、五片。二更后温《汉书·赵广汉传》。

廿八日

早饭后见客一次，衙门期也。旋出城拜徐稼生、朱云岩，又入城拜吴清如，午初归。清理文件。沈蕙亭、魏涟西来久坐。旋席砚香等四人来。沈、魏留此中饭。饭后围棋一局，阅本日文件，写江军门所求大横幅一、小横幅二、直幅一、对联一。傍夕至幕府一谈。夜核批札各稿，二更后又写对联四付。旋改信稿二件、摺稿一件，江方伯求改者也。

廿九日（读《考工记·匠人》）

早饭后清理文件。旋见客，坐见者二次，立见者四次。围棋一局，读《考工记·匠人》未毕。中饭后见客，立见者二次，坐见者三次。阅本日文件，写对联挂屏数件。傍夕至幕府一叙。夜写久香先生信一件、杨军门信一件，核批札各稿。二更三点后温《史记·屈贾传》等篇。五点睡。

卅日

早饭后清理文件。旋见客二次，围棋一局，下各对联之款，读《匠人》毕，录《雅训小记》。请徐稼生中饭，万、勸二君陪之，申初散。阅本日文件，再录《雅训小记》，酉旋毕。‘核批札各稿。傍夕至幕府一谈。夜核各信稿。二更后温《孟子》“于东山”、“小鲁”、“仁礼”、“存心”等章，若有所会。四点入内室，睡颇酣。

十一月

初一日

早间，文武贺朔者甚多，直至巳初方毕。清理文件，围棋一局。读《考工记》《匠人》、《车人》，中饭后读毕。录《雅训小记》，阅本日文件。摺差自京回，接京信数件。核批札稿。傍夕至幕府一叙。夜又阅京信数件，京报九月事。二更后温韩文数首，朗诵《诗》《东山》、《秋杜》、《小曼》诸篇。二更四点至内室，睡不甚成寐。因阅倭艮峰相国、吴竹如侍郎各信，肝气颇为怫郁。

初二日（欣闻苏州克复）

早饭后清理文件。旋见客，立见者一次，坐见者六次，围棋一局，陈虎臣坐颇久。中饭后见客二次，阅本日文件甚多。读《弓人》，《周礼》于本日读毕。傍夕至幕府一谈。夜录《雅训杂记》，至二更后毕。核批札稿信稿，四点毕。是日闻苏州于十月廿五日克复，为之大慰。午后写沅弟信一封。

初三日

是日为先妣江太夫人冥寿，未明即起，料理一切，黎明行礼。饭后见客二次，围棋一局。写希庵信一件，写对联十餘付。黎纯斋来，与之言志以帅气、器以养志之道。中饭后，出门拜朱久香、徐稼生两处，酉刻归。阅本日文件极多。傍夕至幕府一谈。夜核批札稿，改信稿，至二更四点未毕。是日已刻接程学启报苏州克复之信。

初四日（可喜苗沛霖之党张士端叛苗降官）

早饭后清理文件。旋写澄弟信一件，见客四次，又立见者一次，围棋一局，写沈幼丹信未毕。午刻，陈又铭宝箴来久谈。中饭后将幼丹信写毕，吴清如来久坐。阅本日文件，写对联数付。牧云自金陵归，与之久谈，同至后院楼上。定更后，核批札各稿，李眉生来久谈。二更三点至内室。是日闻唐中丞克复怀远。苗沛霖之党张士端叛苗降官，将怀远城献出，可喜事也。

初五日

早饭后见客三次，衙门期也。清理文件，与程颖芝围棋一局，写沅弟信一件，见客二次，马雨农坐颇久。中饭后倦甚，与鲁秋航围棋一局。朱久香来，久坐一时有奇。阅本日文件。傍夕至幕府一谈。夜核批札稿。二更三占入内室，睡颇酣。

初六日

早饭后清理文件。旋围棋一局。已刻见客一次。午刻见客二次。中饭后与魏西垣、沈蔼亭饔谈，阅本日文件，核萧为则保单、石清吉保单，核批札各稿。傍夕至幕府一谈。夜核改信稿多件，温《孟子》数章。二更三点睡，甚能成寐。

初七日（录《雅训杂记》毕）

早饭后清理文件。旋见客三次，又坐见者一次。围棋一局，写左季高信一件，录《雅训杂记》。中饭后，程颖芝来，围棋二局。录《杂记》毕，阅本日文件，核楚岸盐务章程，重刻数纸，傍夕至幕府一叙。定更后，核批札各稿，改信稿，王子坚与吴竹如信改甚多。二更四点入内室。

初八日

早饭后见客一次，衙门期也。清理文件。旋又立见者五次，阅《文献通考·田赋门》。午刻见客二次，李壬叔坐颇久。中饭后改信稿数件，阅本日文件，核批札各稿，核毛、萧保举单，郭世兄与刘伯山来久坐。傍夕至幕府一谈。夜又核保举单，改信稿数件，倦甚。温《诗经》数章。二更三点睡，甚能酣寝。

附记

○六安保摺

○零保方、华、徐、王、魏

○专保摺

○请魏、刘、沈、郭

初九日（料理寄京炭敬单）

早饭后清理文件。旋见客，立见者三次，坐见者一次。改京信稿，沈蕙亭来久坐。偲来，陈虎臣、刘开生来，坐亦久。中饭后添吴竹如信四叶，料理寄京炭敬单。傍夕至幕府一谈。夜核雪琴保单，改信稿数件，温韩文《柳子厚墓志》等篇。

初十日

早饭后，拜发元旦题本。旋见客二次，衙门期也。将京信各件清理，交摺差黄斋昂手。围棋一局。见客，坐见者一次，立见者三次。中饭后清理文件，将《田赋门》第一卷阅毕，阅本日文件颇多。申正与魏涟西等鬯谈，核六安守城保单，改摺稿一件。傍夕至幕府一谈。夜改李世忠剿苗逆摺一件。二更后温杜诗五律。

十一日

早饭后清理文件。江方伯、罗士瀛、涂朗仙等五次客来，坐皆颇久。围棋一局。李雨亭之侄来，与谈片刻。午正请刘伯山毓嵩、魏涟西万杰等中饭。饭后作保举贤员摺，未毕，阅本日文件，又作摺，至灯后毕。核批札各稿，改杨军门请开缺养亲摺，并改信稿咨稿，又核零保诸人单。二更四点入内室，睡不甚成寐。

十二日

未明起，至学宫与文武同行礼拜牌，是日冬至也。归寓，天

已明矣。凡文武来贺者，皆谢不见。又改近日军情片稿，写沅弟信一件。围棋一局。见客一次，谈颇久。中饭后阅本日文件，核批札各稿，核新添保举各零单。接奉十月廿七日所发摺件之批谕，计廷寄一件、明谕五件。傍夕至幕府一谈。发报四摺、一片、一保单。夜略核批札稿，温韩文十馀首，二更三点睡。

十三日（至内室与诸女论节俭、习劳之道）

早起。饭后，五局委员来见，清理文件，旋又见客二次，围棋一局。午刻写扁三付，阅《通考·田赋门》二卷，至未正阅毕，录《诂训杂记》，阅本日文件。是日大雪平地盈尺，寒甚。傍夕至内室与诸女论节俭、习劳之道。夜核批札各稿，朗诵《孟子》数十章，将其抗心高望者记出。

十四日（江西建昌有杀死卡员刘廷选之案）

早饭后清理文件。旋围棋一局，见客二次。午刻写对联十二付。中饭后见客一次，写澄弟家信一封，阅本日文件，阅《田赋门》三卷，未毕。傍夕至幕府一谈。夜再阅《通考》，二更后核批札稿，温《诗经》数章，四点睡。是日公牍毕，见江西建昌有杀死卡员刘廷选之案，为之不悻。

十五日

早起，各文武前来贺望，至巳正始毕。清理文件，围棋一局。午刻，阅《田赋考》三卷毕。中饭后见客一次。写《欧阳氏姑妇节孝家传》，牧云求书此以刻石也。旋阅本日文件。书至日暮，共写五百馀字。傍夕至幕府一叙。夜又书《节孝传》二百馀字，写刘星房、程尚斋信，共添三叶，温韩文、《史记》共十馀首。

十六日（古人行文之不可及全在行气）

早饭后清理文件。陈虎臣来，语次，余为不悻，大作声色斥之。旋与鲁秋航围棋一局。见客，立见者一次，坐见者二次。陶继曾，江西知县，送其祖尧芑先生《诗集》一部。又两淮运司寄到康伯山著述一部。康名发祥，泰州人，著有《诗集》、《诗话》、《三国志补义》等书，翻阅时许。中饭后又阅康、陶两家之书，见客一次。申刻阅本日文件极多，将《欧阳氏姑妇家传》写毕，

至幕府一谈。夜核批札稿，二更后温韩文数篇，若有所得。古人之不可及，全在行气，如列子之御风，不在义理字句间也。

十七日

早饭后清理文件。见客、江达川、周汝筠二次。出门拜马雨农、莫子偲、郭慕徐三处，谈皆久。午刻归，见客二次。中饭后，袁西台来久坐，阅《通考·田赋考四》，阅本日文件，写对联八付，又阅《田赋考》。傍夕至幕府一谈。夜核批札各稿，二更后温《史记·游侠》等传。三点入内室，早睡，酣寝，是日早送欧阳牧云回籍，夜送钱警石先生辽参等件，因其病甚重也。

附记

石昌猷一案，范云吉说帖八条，存要件偶记

○朱金权岁修十六金，今年加四金

十八日

早饭后见客一次，衙门期也。旋又见客，坐见者二次，立见者一次，围棋一局，孙琴西、马雨农来，各谈二刻许。阅《通考·田赋四》。中饭后，黎庶昌来久谈。将《田赋四》阅毕，阅本日文件颇多，录《雅训杂记》。傍夕至幕府一谈。夜核批札各稿。二更后温《孟子》，分类记出，写于每章之首，如言心言性之属目，曰性道至言；言取与出处之属目，曰廉节大防；言自况自许之属目，曰抗心高望；言反躬刻厉之属目，曰切己反求。

十九日（阅小芸所作神道碑）

早饭后清理文件。旋见客，坐见者二欠，围棋一局，又见客，坐见者三次，邓小芸坐甚久，阅《田赋考五》。中饭后，涂心畬来。将《田赋》五卷阅毕，录《雅训杂记》，阅本日文件甚多。傍夕至幕府鬯谈。夜核批核稿信稿，拟作邓湘皋先生幕表，将小芸所作神道碑再阅一过。二更四点入内室，颇能酣寝。

附记

善后局办文案者，请保五人

派两处截角二员

○寄银单与澄弟廿四日

二十日（袁希庵弃世，钱警石仙逝）

早饭后清理文件。见客二次，衙门期也，写左季高信一件，围棋一局，魏涟西等来久坐，陈右铭来久坐。阅《田赋六》，中饭后阅毕。莫子偲来久坐，阅本日文件，录《雅训小记》。申正接信，知希庵于十月廿八日子刻弃世。若战多年，家无长物，忠荃廉介，可敬可伤。旋又闻钱警石先生仙逝。老成凋谢，弥用怅惘。夜核批札各稿，二更后温《诗经》数首。倦甚，早睡。

廿一日

早饭后清理文件。旋见客二次，围棋一局，写沈幼丹信一件，阅《田赋考七》。午刻见客二次。中饭后，太湖县一新进文生来见，年仅十一岁，孟昭暹，字进初。旋又读《田赋考》，阅本日文件。丁果臣寄其兄叙忠所著之《读易初稿》，翻阅一过。傍夕至幕府一谈。夜核批札各稿，二更后温韩文数首。夜睡，不甚成寐。

廿二日

早饭后见客一次，清理文件。旋围棋一局，阅《通考·田赋七》，午正毕。录《雅训小记》。中饭后，李葆斋来畅谈。写李少荃信一件，阅本日文件。申刻至钱家吊丧。钱警石先生于二十二日申刻去世，嘉道间一学者也。旋至周缦云家看其母之病，傍夕归。至幕府一谈。夜核批札各稿，核改信稿，写妹渠信，添二叶，阅《古文·叙记类》。二更三点早睡。是日，又将《读易初稿》略一翻阅。

廿三日

早饭后，见客一次，衙门期也。旋围棋一局，阅《通考·钱币一》，江方伯来久坐，双阅《钱币考》未毕，写沅弟信一件。中饭后写厚庵信一叶，见客一次。阅本日文件，见李少荃杀苏州降王八人一信稿一片稿，殊为跟明手辣。小岑来谈颇久。傍夕至幕府一谈。夜核批札各稿，二更后与纪泽讲七言律诗之法。旋读七律二十馀首。

廿四日（夜作邓湘皋先生墓表）

早饭后清理文件。旋见客三次，又坐见者一次，围棋一局，

写澄弟信一件。午正请陈又铭、吴赞先等便饭。饭后阅本日文件。摺差王廷贵等自京归来，阅邸钞二十餘本。傍夕至内室一谈。夜作邓湘皋先生墓表，将小芸所作行状细阅一通。写沅弟信一件。二更五点睡。

廿五日

早饭后见客二次，衙门期也。清理文件。围棋一局。旋作墓表数行，见客二次，谈甚久。中饭后，李壬叔来一谈，阅本日文件，又作墓表数行。傍夕至幕府一谈。夜又作墓表，二更四点睡，尚未毕业。

廿六日

早饭后清理文件。旋见客二次，围棋一局。作邓湘皋墓表毕。午刻见客一次。中饭后，徐毅甫来久坐，核批札各稿，阅本日文件。倦甚，至内室闲谈。傍夕至幕府一谈。夜改摺稿一件。二更三点睡。是日用心太过，尚能成寐，幸也。

附记

赵世暹请拿乌池痞棍

徐子苓请拿合肥西南乡痞棍

周盛和雷麻店人

孙炳文、孙长贵、孙长乐江家店人

王缺三子王三户人

周德亶保黄奇意

廿七日（阅《柏枧山房集》）

早饭后清理文件。旋见客二次，围棋一局。已刻见客一次，恽光业等谈颇久。阅《柏枧山房文集》。中饭后核批札稿，改片稿一件，阅本日文件，核批稿颇多，又阅《柏枧山房集》。傍夕至幕府一谈。夜改信稿甚多。因所为墓表甚不称意，阅欧文数首。二更四点睡。

廿八日（安庆六属新进生员来此谒见）

早饭后清理文件。旋见客二次，围棋一局。已刻又见客三次。是日，安庆六属新进生员谒文庙后，来此谒见，朱学使牌示如此，向例所无也。共接见七次，每次约百餘人。系补行咸丰

三、四年岁科考一次，五、六年岁科考一次，故每县及府学各百余人耳。阅《文献通考·钱币一》毕。中饭后，又见新进生员数次，阅本日文件甚多。傍夕至幕府一谈。夜将墓表改定数句，阅《梅伯言文集》，核批札信稿甚多。二更四点睡。

廿九日（忧溧水失守，东坝危急）

早饭后清理文件。旋见客一次，又立见者三次，围棋一局。旋改复范云吉信稿。午刻又见客，坐见者二次，立见者二次。中饭后阅《通考·钱币二》，约二十叶。阅本日文件。申正又改云吉信稿，至二更改毕，约二千餘字。傍夕至幕府一谈。二更后阅曾子固文数首、梅伯言文数首。四点睡。将睡时接信，知溧水失守，东坝危急，忧灼之至。睡不甚成寐。

附记

派州县查游勇

○派员赴临淮

十二月

初一日

早饭后，各文武员弁贺朔，皆谢不见。清理文件，写沅弟信一件，围棋一局，核批札各稿。中饭，请江达川，钱行，申刻散。又与邓伯昭久谈。阅本日文件甚多，未毕。傍夕与莫子偲谈，至幕府一谈。夜又阅本日文件毕，将曾子固文集分卷另钉，温《古文·传志类》。二更四点睡，不甚成寐。昨日闻溧水失守，忧灼殊甚。本日得鲍春霆信，实未失守，乃误报耳。

附记

邓士林 徐思荐

初二日（至新造之多宝仓验工）

早饭后见客五次，坐皆久，内江方伯赴川辞行。曾恕三、彭声二、曾柏九自家乡来，说话尤多，倦甚。围棋一局。张锦瑞来，谈亦久。核批札稿。中饭后写对联、挂屏数件。旋出门至江方伯处送

行。又至新造之多宝仓验工，由北至同凡三廩，每廩五间。大门以东三廩，十五间；大门以西六廩，三十间。又西为晒谷场，场之北为碓房、磨房。工坚料实，用钱仅八千串，可慰也。归，阅本日文件。旋核批札稿，至幕府一谈。夜核批札稿，至二更毕。温古文《蜀都赋》。四点睡，腰疼殊甚，似为风所伤，不甚成寐。

初三日（阅《通考·钱币二》）

早饭后见客二次，衙门期也。清理文件。旋又见客，立见者六次，坐见者四次，唐桂生、万簏轩二次谈甚久。围棋一局。午刻看科房批札稿。中饭后阅《通考·钱币二》，阅本日文件，录《雅训杂记》，倦甚。写对联数付。傍夕至幕府一谈。夜核批札稿甚多，二更后再温《蜀都赋》，读《吴都赋》未毕。三点早睡，因腰疼敷贴膏药，不甚爽快。

附记

多宝仓节略，存诗文杂件包内

江保谢藻鉴 汤△△

○唐璜鼎臣衡州都司存要件偶记

初四日

早饭后清理文件。旋围棋一局，见客二次。出城见江达川方伯，送行。又入城拜客一家。核科房批札稿。中饭后写澄弟信一件。阅《通考·户口一》，阅本日文件。傍夕至幕府一谈，与马雨农、李眉生、程尚斋各信一片。夜核批札信稿各件，二更后阅惜抱轩古文十馀首。

初五日

早饭后见客二次，衙门期也。邓伯昭来辞行，久坐。围棋一局。写沅弟信一件，颇长。午刻见客二次。中饭后阅《通考·户口二》未毕，阅本日文件。傍夕至幕府一谈，阅《惜抱轩集》。夜核批札各稿，二更后阅韩文数首。四点睡。天气燥热已十馀日，本日转北风，又寒冷矣。后院多隙地，新栽竹数十丛，每丛十根八根，或三、五根不等。

附记

○改泽两课 核各保单 和莫诗

初六日（出门验枪炮局工程）

早饭后清理文件。旋见客一次。围棋一局。出门验枪炮局工程。旋至郭慕徐家一坐，午刻归。见客二次。中饭后见客二次，阅《通考·户口二》毕，阅本日文件，核批札各稿。傍夕与纪泽言墓志墓表体裁。夜录《诂训小记》，核批札稿信稿颇多。温《孟子》至二更四点止，如有所会。

初七日

早饭后清理文件。旋见客，坐见者三次，立见者三次，唐桂生、万簏轩坐甚久。围棋一局。午刻，袁雪舟来坐甚久。魏涟西、沈蕙亭来此便饭，申刻去。说话太多，倦甚，至内室闲坐片刻。阅本日文件，阅《梅伯言文集》。傍夕至幕府一谈。夜核朱云岩、李申夫保单，二更二点阅《商君传》。

附记

旋鸿基松如所保 朱△△

王廷选函告恽次山中丞

初八日

早饭后见客三次，方存之坐颇久。围棋一局，写李克轩北冈信一件。午刻见客三次，刘伯山坐颇久，核科房批稿。中饭后头疼，倦甚。陈虎臣来一谈，写挽幛三幅。阅本日文件，未毕，灯后阅毕。阅供摺三件，核批札稿。二更后温《诗经·巧言》等数篇。

初九日（改纪泽古文及诗）

早饭后见客二次，清理文件，围棋一局。旋又见客，立见者七次，坐见者三次，内刘开生、方元徵谈最久，何小宋、万簏轩俱有公事来商。午正核科房批稿。中饭后，莫子偲、黎纯斋来一谈，写复李眉生一片，阅本日文件。傍夕至幕府一谈。夜题莫子偲所作《唐写本说文笺异》之检，核喻吉三保单，改纪泽古文一首、四言诗一首、五七言诗三首。

附记

澄弟十一月十八日李宅信 振亭姻伯健

旭三迪子讷寄金陵安江浙直 伯固已归